



**S** Rubertus regio Francorum genere natus, & doctrinæ à Christo traditæ insignis preco, primò Rhenensem tractum in uera religione instituit, atq; Vuormatiæ sedem Archiepiscopalem administravit, & à Beringo comite expulsus fuit. Postea ad Theodonem quoq; Boiorum regem adhuc gentili superstitioni deditum uenit, ut eum ad ueram pietatem adduceret. sed aulici illius suadebant auitas ceremonias nequaquam deserendas, quæ ipsis tot uictorias & triumphos peperissent. Christianam religionem esse nouam, & uiris rei bellicæ studiosis aduersam, & ut uera sit, utilem tamen reipublicæ principem (siquidem recte suum officium administrare uelit) non posse esse Christinum. Romanos enim ob id bello inferiores, quod à ueteri numinum cultu desciuissent. Christi-